

Pina ea Lerato ea Borena



SABATHA MANTSIBOEA

Bakeng sa thuto ea Beke ena, Bala:

Sefele sa Lifela; Gen. 2:7; 1 Ba-Kor. 7:3-5; Johanne 17:3; 1 Johanne 1:9; Ba-Roma 1:24-27; Ba-Gal. 5:24.

Temana ea Khopolo:

“U mpee joalo ka tiiso pelong ea hao, joalo ka tiiso seatleng sa hao! Hobane lerato le matla joalo ka lefu, poulelo e thata joalo ka nqalo ea bafu; malakabe a lona ke malakabe a mollo, ke khabo ea Jehova” (Sefela sa Lifela 8:6).

Hará linako tsa bophelo, e ‘ngoe ea tse kholo ke lenyalo. Hape, ha se bohle ba nyalang, empa ho bao ba nyalang, lenyalo le tliša liqholotso tse khethehileng, le lithonoholofatso tse khethehileng. Hará lithonoholofatso tseo tse khethehileng ke mpho ea thobalano. Mpho ena ke boipolelo ba lerato bo matla haholo, ha e le ka nako e nepahetseng le sebakeng se nepahetseng. Khahlanong le maikutlo a tloaelehileng, Bibe le ha e khahlanong le thobalano. E khahlanong le tšebeliso e mpe ea mpho ena e hlolang e tsoang ho ‘Mopi ho libopuo a tsa hae tse batho.

Hantle-ntle Sefela sa Lifela, e ‘ngoe ea libuka tsa Bibe le tse nyane ka ho fetisisa, ebile mohlomong e ‘ngoe ea tse baloang hanyenyane ka ho fetisisa, e hlalosa likamano tse pakeng tsa monyaluo a monyenane, Sulamithe, le moratuo a oae, eo ho lumeloang e le Morena Salemone ka sebele. Buka ena e sibolla liphiri tsa katamelano ea batho le menyaka ea litokelo tsa lerato lenyalong. Leha Sefela sa Lifela se atisa ho nkuoa joalo ka tšoantšiso e lekanyang likamano tsa Molimo le sechaba sa Molimo kapa tsa Krete le kereke, taba ea pele ke hore ke thothokiso e holimá lerato le fumanoeng likamanong tsa ‘nete tsa batho tsa monna le mosali. Bekeng ena re tla talima lenyalo joalo ka ha le hlaha bukeng ea Testamente ea Khale.

**Ithute thuto ea beke ena ho lokisetsa Sabatha sa la 11 Motšeanong.*

Bophelo bo sa Aroleheng

U ipapititse le litemana tselatelang, u ka hlalosa tsela eo Bibe e talimang ‘mele oa motho ka eona joang? Gen. 2:7; Ps. 63:1; 84:2; 1 Ba-Kor. 6:19, 20; 1 Ba-Thes. 5:23.

Litumelo tse ling li lumela ho bontlha-peli [dualism], maikutlo a talimang ‘mele oa motho e le bothata bakeng sa bophelo ba moea. Ke hore, ‘mele o nkuoa o le mobe ha “moea” o nkuoa o lokile. Leha ho le joalo, Lengolong, ‘mele oa motho, ho kenyetsetsa le litho tsa oona tsa thobalano, ke motheo oa botho bohle. Bophelo ke “mele” le “moea” (sheba Gen. 2:7). Mopesaleme o inehetse bo-eena ba hae bohle khumamelong ea Molimo (Ps. 63:1, 84:2). Botho kaofela bo lokela bo halaletsoe, bo khetheloa tšebeliso e halalelang eo Molimo a e ririleng.

Chalimo e ntle ea ‘mele oa motho moeelong oa likamano tsa thobalano, e bonahala ho Sefela sa Salemone. Litemana tsee li senola katamelo ee joang? Sefela. 1:2, 13; 2:6; 5:10–16; 7:1–9.

Ho babatsoa ‘mele oa motho litemaneng tsena kaofela. Likarolo tse tšoarehang tsa lerato la lenyalong ha se ntho e tlontlolang. Ho bontšoa boemo bo felleltseng ba boikutlo. Ho na le litloaelo tsa thobalano tse matla tse sa lumelleheng meetlong e mengata. Banyalani ka mokhoa o joalo ba iphumana ba na le bothata ba ho buisana ka tsela e nepahetseng mabapi le maphelo a bona a katamelano. Ka mokhoa o tšoanang, bana ba tingoa monyetla oa ho ithuta ka thobalano boemong ba lehae la Bokreste moo lintlha tsa bohlokoa tsa ho tšaba Molimo li ka kopanyelletsoang le litaba tse nepahetseng. Ho buleha ha Bibe ka thobalano ho biletsa batho ba Hae boemong bo phahameng ho feta ba ho phutholoha tabeng ena e le hore ntlha ena ea bohlokoa bophelong e tle e tšoaroe ka hlomphe le boleng bo phahameng bo lokelang mpho e kholo ha kana e tsoang ho ‘Mopi.

Re ka itšireletsa joang khahlanong le tšusumetso tsa boitšoaroe le tsa meetlo tseo ekabang li fetola thobalano ntho feela ea litakatso tsa liphoofole tse soabisang kapa kapa tse e fetolang ntho e lihlong eo ho sa lokelang ho buuo ka eona? Bibe e re bontša joang hore mahlakore ka bobeli a fosahetse?

Marato a Pina ea Lerato

Hlalosa mafapha a fapaneng a lerato a hlahellang Sefeleng sa Salemone. Sefela. 1:2, 13; 2:10–13, 16; 3:11; 4:1–7; 5:16; 6:6; 7:1–9; 8:6, 7.

Sefela sa Salemone se bontša kamoo metsoalle e qetang nako ‘moho, e buisana ka bolokolohi, ‘me e hlokomelana. Sefeleng sa Salemone, metsoalle e ‘meli ea hlooho ea khomo e qetella e nyalane. Mosali oa phatlalatsa, “Enoa ke motsoalle oa ka” (Sefela. 5:16). Lentsoe motsoalle le hlalosa kopano le setsoalle kathoko ho kopano ea thobalano. Ho lehlohonolo monna kapa mosali eo molekane oa hae e leng motsoalle ea ratehang.

Thothokisong eohle, mantsoe a lerato a phafang le liketso tsa lerato li bontša khahleho e matla, monyaka oa maikutlo le oa ‘mele eo motho e motona le e motšehali ba e fumanang e mong ho e mong. Katamelano ea tlhaho ea lerato la batho ba babeli ke limpho tsa ‘Mopi, ho balekane ba hokahaneng hammoho ka matla lenyalong. Joalo ka balekane ba bulehile bakeng sa mosebetsi o halalelang oa lerato lipelong tsa bona, lerato la bona la botho lea “ntlafatsoa le ho hloekisoa, lea phahamisoa le ho ba khabane.”—Ellen G. White, *The Adventist Home*, leq. 99.

Litemana tsena le tsona li bontša mehopolo e phahameng ka ho fetisisa ka lerato. Lerato la ‘nete, leha ho le joalo, ha le teng ka tlhaho pelong ea motho; ke mpho ea Moea o Halalelang (Ba-Roma 5:5). Lerato le joalo le tlamahanya monna le mosali ka setlamo se tsoellang. Ke lerato la boitelo le hlokehlang kamanong ea motsoali le ngoana ho aha maikutlo a ho tšepa ngoaneng. Ke lerato le ikhannang le tlamahanyang balumeli hammoho ‘meleng oa Krete. Sefela sa Salemone se re biletsa ho etsa lerato lena matla a tšebetsong likamanong tsa rona le balekane ba rona.

Mofuta oo oa katamelano o bontša joang, ka tsela ea oona, mofuta oa katamelano oo re nang le oona le Molimo? Ke lintho li fe tse tšoanang tseo motho a ka li fumanang (mohlala, ho qeta nako, ho inehela kabotlalo, joalo joalo)? Ke lintho li fe tse ling tse tšoanang tse teng moo?

Tsebo ea Lerato

Ba bangata ba bone taba ea “ho khutla ha Edene” Sefeleng sa Salemone. Leha bobeli bona bo hlalosoang e se monna le mosali ba pele, thothokiso e tlisa serapa sa pele kelellong. Morero oa Molimo hore e be “nama e le ‘ngoe” (Gen. 2:24, 25) o bonahatsoa hohle ka lipapiso tse bonolo le matšoa.

Sefela sa Salemone se beha taba ea boitlamo ba ho lumellana bophelong bo nang le likamano tse atamelaneng tsa banyalani? Sefela. 4:7–5:1. Tao ea Pauluse ea 1 Ba-Korinthe 7:3–5 e tsoana joang?

Salemone oa mo mema, “Tloha. . . le ‘na” (Sefela. 4:8). Mobeheletsoa oa hae oa arabela. Hamorao oa mo mema, “Moratuo oa me a ke a kene serapeng sa hae” (Sefela. 4:16). Oa arabela (Sefela. 5:1). Lengolo le re ruta hore ha ho tlamehe hore ho be le likhoka kapa boqhekanyetsi boemong bona ba katamelano. Balekane ka bobeli ba kena kamanong ena ka bolokolohi. “Serapa sa ka” ke “serapa sa hae.” “Salemone” le “Sulamithe” ba arolelana mabitso a tsoang lentsoeng la se-Heberu shalom, “khotso,” kapa “botlalo.” Khahleho ea bona ea tsoana (Sefela. 4:1–5, 5:10–16). Tekano e teng kamanong ea bona e pakahatsoa le ke mokhoa oa thothokiso oa mela e tsamaeang ka bobeli le likha. Polelo ea selekane “Moratuo oa me ke oa me, ‘me ‘na ke oa hae” (Sefela. 2:16) e hooa puo ea Edene, “Joale enoa ke lesapo la masapo a ka, ke nama ea nama ea ka” (Gen. 2:23).

Tlhaloso ea kopano ea lenyalo e le “ho tseba” e ntlafatsa kutloisiso ea hau ea kamano ea rona le Molimo joang? Gen. 4:1, 25; 1 Sam. 1:19; Luka 1:34; Johanne 17:3; 1 Ba-Kor. 8:3.

Bibele e sebelisa ho tseba bakeng sa kopano ea katamelano ea monna le mosali. “Ho tsebeng,” hona ha lerato e mong o fa e mong botebo bo patiloeng bo ka hare-hare. E seng feela ‘mele e ‘meli empa le lipelo tse peli li kopana hammoho ho etsa “nama e le ‘ngoe.” Ho Tseba hape ho hlalosa kamano e teng pakeng tsa motho ka mong le Molimo. Ho Mokreste ea nang le temoho tsebo e ikhethileng e bonolo ea lenyalo, ka setsoalle sa eona, boitlamo, le monyaka o se nang meeli, e fana ka kutloisiso e tebileng ea sephiri se phahameng hape se halalalang ka ho fetisisa, kopano ea Krete le kereke.

Lerato ka Nako e Nepahetseng

Bala Sefela sa Salemone 4:8–5:1.

Sefela sa Salemone 4:16 le 5:1 li bopa khubu ea buka ena ‘me li hlalosa, joalo ka ha ho ne ho le joalo, sehlohloho ha lenyalo pakeng tsa Salemone le Sulamithe le phethahala.

Salemone o bua ka eng litemaneng tse latelang? Sefela. 4:12, 16; 5:1; 8:8–10.

Ho Sefela sa Salemone, re fumana bo bong ba bopaki bo matla ba Lengolo ka morero oa Molimo oa hore batho ba lule ba ipolokile thoko ho thobalano ho fihlela lenyalo. Bo bong bo matla ke ba moo ho buuoang ka bongoana ba Sulamithe, ha baholoane ba hae ba ipotsa na e tla ba “lerako” kapa “monyako” (Sefela. 8:8, 9). Ka mantsoe a mang, na u tla lula a ipolokile ho fihlela lenyalo (lerako) kapa a kene thobalanong e sa amoheleng (monyako). Ha e se e le mosali ea holileng, o tiisa hore o bolokile boroetsana ba hae ‘me o tla ho monna oa hae a hloekile: “‘Na ke tla ba lerako” (Sefela. 8:10). Hantle-ntle, [Salemone] o tiisa hore [Sulamithe] ke moroetsana ho fihlela bosiu ba lenyalo la bona ka ho re ke “tšimo e hahelelitsoeng, seliba se sirelelitsoeng, le mohloli o tiisitsoeng” (Sefela. 4:12). Maiphihlelong a hae, a ka eletsa metsoalle ea hae ho nka likhato tsa lerato le lenyalo ka hloko. Makhetlo a mararo ho Sefela sa Salemone Sulamithe o bua le sehlopha sa basali ba bitsoang “barali ba Jerusalema” ho ba eletsa hore ba se tsose takatso e matla ea lerato ho fihlela nako e loketseng (Sefela. 2:7, 3:5, 8:4), ke hore, ho fihlela ba iphumana ba kene selekaneng sa lenyalo ka polokeho, joalo ka eena. Lekhetlo la bobeli thothokisong moratuoa o mema mobeheletsoa oa hae ho tla ba tsamaee le eena (Sefela. 2:10, 4:8). Pele ho lenyalo o ne a hana ho amohela memo, empa joale e se e le eena ea mo memelang tšimong ea hae (Sefela. 4:16), ‘me eena o amohela ka thabo (Sefela. 5:1). Ha a khahloe ke botle ba hae feela; o hapile pelo ea hae (Sefela. 4:9), o tauoe ke lerato la hae (Sefela. 4:10), ‘me o nyakalletse ke hore ke oa hae ha se oa e mong osele, kamehla: “Ngoan’eso, molebeletsoa oa ka, u tšimo e hahelelitsoeng, seliba se sirelelitsoeng, mohloli o tiisitsoeng” (Sefela. 4:12). Kopanong ena le mosali enoa ea phethehileng o iphumana a kena Lefatšeng la Pallo: “Melomo ea hao, molebeletsoa oa ka, e rotha linotši; linotši le lebese li ka tlas’ a leleme la hao” (Sefela. 4:11).

Ke litaba li fe tse molemo tse teng bakeng sa batho ba ikoahlaeang ka likkhetlo tsa bona tse fosahetseng tsa ho kena thobalanong? 1 Johanne 1:9; bapisa le Ps. 103:12, Esa. 55:7, Johanne 8:11.

Ho Sireletsa Mpho ea ‘Mopi

Molimo o ne a na le morero o khethehileng ha a tla bopa motho e le e motona le e motšehali (Gen. 1:26–28). Leha ka bo mong ba na le setšoantšo sa Hae, ho kopanngoa ha boleng ba bona ba botona le botšehali ho etsa “nama e le ‘ngoe” ka lenyalo ho bontša bonngoe ba boraro ba Molimo ka tsela e khethehileng. Kopano ea e motona le e motšehali hape e fana ka popo ea bophelo bo bocha, setšoantšo sa ‘nete sa Molimo.

Lengolo le reng ka litloaelo tsa thobalano tse sa tsamaeeng le leano la ‘Mopi? Lev. 20:7–21, Ba-Roma 1:24–27, 1 Ba-Kor. 6:9–20.

Lengolo le hanana le bohle ba fetolang kapa ho senya setšoantšo sa Molimo mothong. Ka ho thibela liketso tse itseng tsa thobalano, Molimo o tataisetsa batho ba Hae sepheong sa ‘nete sa thobalano. Ha boiphihlelo ba botho bo teana le litaelo tsa Molimo, moea o fumanoa o le molato oa sebe.

Ke tataiso e fe e fuoang Mokreste bakeng sa ho amana le boemo ba bona ba botona le botšehali le ba bang lefatšeng le oeleng? Ba-Roma 8:1–14; 1 Ba-Kor. 6:15–20; 2 Cor. 10:5; Ba-Gal. 5:24; Ba-Kol. 3:3–10; 1 Ba-Thes. 5:23, 24.

Balumeli ba lebelletse ho lokolloa ho boleng ha sebe ha Krete a khutla. Ba eme ka tumelo, ba ikuka ba shoele ka nqeng ea sebe ka lefu la Krete sefapanong ‘me ba phela ho Eena ka tsoho ea Hae. Ka thapelo e sa khutseng, ho lebeli, le matla a Moea, ba tšoara sebopeliso sa bona sa boetsalibe joalo ka hoja se thakhisitsoe ‘me ba leka ho mamela Krete mehopolong ea bona. Ba ananela Molimo hoba ke monga ‘mele ea bona le boemo ba bona ba botona le botšehali e be ba li sebelisa ho latela leano le halalelang. Molimo o tšoarella ba bakang sebeng (1 Johanne 1:9). Evangeli e fana ka matla ho ba neng ba phela ka ho hloka taolo le liketso tsa thobalano tse tletseng ka sebe ho ba karolo ea kopano le balumeli. Ka lebaka la kamoo sebe se fetotseng tšekamelo ea thobalano bathong, ba bang ba ka ‘na ba se ke ba ba le boiphihlelo ba puseletso e tletseng ntlheng ena ea boiphihlelo ba botho. Ba bang, mohlala, ba ka khetha bophelo ba ho se nyale ho e-na le ho kena likamanong li fe kapa li fe tsa thobalano tse thibetsoeng ke Lentsoe la Molimo.

Re le kereke re lokela ho amana joang, mohlala, le basodoma? Katamelo ea bona ka tšekamelo ea bona ea thobalano e lokela ho susumetsa boitšoaro ba rona joang ho bona?

Khopolo e Eketsehileng:

Lenyalo le amohetse tlhohonolofatso ea Krete, ‘me le lokela ho nkuoa e le ntho e halalelang. Borapeli ba ‘nete ke ho se ee khahlanong le maano la Morena. Molimo o hlophisitse hore monna le mosali ba kopanngoe ka lenyalo le halalelang, ho etsa malapa ao, e reng ha aroesitsoe hlompheho, e tlang ho ba letšoao la lelapa le leholimong. Tšimolohong ea bosebeletsi ba Hae, Krete o ile a fana ka tumello ea Hae tlhophisong eo a ileng a e lumella Edene. Ka hona a phatlalatsa hore ha a ka ke a hana ho ba teng meketeng ea manyalo, le hore lenyalo, ha le kopantsoe le bohloeki le khalalelo, ‘nete le ho loka, ke e ‘ngoe ea litlhohonolofatso tse kholo ka ho fetisisa tse fuoeng lelapa la botho.’—Ellen G. White, *Daughters of God*, maq. 180, 181. Joalo ka ha Sefela sa Salemone se bontšitse, lerato le nang le thobalano e ka ba ntho e hlollang lenyalong. Empa kamano e tsoellang ha e ka ke ea thehoa holimá botle bo mahlong le tse khahlisang tsa ‘mele. ‘Mele ea rona ea tsofala e bole, ‘me ha ho boleng ba lijo, boikoetliso, kapa ho intlafatsa ka polasetiki ho tla re boloka re le banyenyane ka ho sa feleng. Lenyalo la Salemone le Sulamithe ke boitlamo ba likamano tsa bophelo bohle. Ba tiisa makhetlo a mararo ho e mong ke oa e mong (Sefela. 2:16, 6:3, 7:10). Lekhetlo la pele ke tlhokomelo ea tumellano ea ho ba oa e mong (bapisa le Ba-Ef. 5:21, 33). Lekhetlo la bobeli o fetola maoa ka ho tiisa boinehelo ba hae [Sulamithe] (le Ba-Ef. 5:22, 23). Lekhetlo la boraro e bolela takatso ea hae [Salemone] ho eena [Sulamithe] (Ba-Ef. 5:24–32). Lerato le tšoanang le lena ha le ka ke la qoelisoa (Sefela. 8:7), le tšoana le tiiso e ke keng ea khaoloa (Sefela. 8:6).

Lipotso tsa Puisano:

1. Tlhaloso ea Salomne ea hore mosali oa hae o phethehile (Sefela. 4:1–5, 6:8, le 7:1–9) e tšoana joang le polelo ea Adama ha a ne a bona Eva lekhetlo la pele? (Gen. 2:23). Ha ho le joalo banna ba lokela ho amana joang le basali ba bona? (Ba-Ef. 5:28, 29).
2. Ba bang ba bone bukeng ea Sefela sa Salemone tšoantšiso ea kamano e teng pakeng tsa Molimo le sechaba sa Hae kapa pakeng tsa Krete le kereke ea Hae. Leha motho a sa lokela ho feteletsa botšoantšiso ba eona, ke linltha li fe tsa kamano ea bobeli boo e ka bapisoang le kamano ea rona le Molimo? Bapisa hape le Esa. 54:4, 5; Jer. 3:14; 2 Ba-Kor. 11:2.